

憲章外史續編

萬曆注畧卷之十一

太學生臣許重熙編次

辛亥三十九年正月閣臣葉向高請吏部考察日期兵部考選軍政日期。○科臣曹于汴彭惟成各參李廷機杜門多時不入閣理事無可考滿

二月漕撫李三才出境有旨准去漕事命總河劉士忠兼攝○虜犯蘭州

三月閣臣向高劾奏南刑尙書李楨擅自去職時楨老病不能步履言語告休不允徑自歸○大計京官

四月怡神殿災。○山東大旱陝西牛羊二妖叠見。○  
大學士葉向高尙書李化龍侍郎蕭雲舉史繼偕副  
都御史許弘綱各疏求罷。

五月辛丑雷震正陽門。○吏尙書孫丕揚以考察爲  
人攻擊情迫乞歸。上出溫旨慰留并蕭雲舉許弘

綱各不允辭位。○王圖辭闕出城大計報允時王圖  
爲吏左侍郎北察凡非東林者必去史繼偕爲南吏  
侍郎南察凡非東林者必留先是史記事于察典未  
行之前極論內閣自特行錫爵一貫廢廷機衣鉢相  
傳將及顧天峻并論沈思孝周孔教等逮察典旣舉

御史金明時名在察中。乘留中未下。遂上疏攻王圖。以及史記事徐縉芳。又疏攻圖及李三才。顧憲成。不揚怒。明時撓亂大計。先以疏中詞犯御諱。問明時罪。明時復疏攻掌察科道湯北京曹于汴。已而秦聚奎疏攻王圖。以救明時。舉朝分爲二黨。群起交攻。攻東林者。以王圖。顧憲成。李三才爲戎首。攻之者。金明時。秦聚奎。劉國縉。鄭繼芳。朱一桂。王三善。周永春。徐兆奎。姚宗文。高節。王萬祚。張鳳彩。彭惟成。徐紹吉。歸子顧馬。從龍。周達王。紹徽。張廷登。趙典邦。元詩教。孫光祿。田生金。吳亮嗣。官應震。劉廷元。張銓。毛一鷺。彭宗

孟韓浚金汝諧劉光復攻非東林者以顧天峻湯賓  
尹蕭雲舉爲戎首攻之者史記事李炳恭湯兆京丁  
元薦徐良彥馬孟禎胡忻吳炯張養正喬允升沈正  
宗洪文衡李邦華曹于沐吉人賀烺李朴錢春周起  
元劉策李徵儀宋磐吳良輔魏雲中孫居相劉宗周  
朝廷聚訟者幾一年餘○尙書丕揚奏黜前計倖登  
已故臣錢夢臯等九人奏起馮從吾等十三人

六月吏部奏起鍾羽正王德完程紹○侍郎李汝華  
署戶部○京城大雨二十二日水溢數百里禾盡沒  
山東亦大雨

七月軍政考選命始下○工侍郎劉元霖言錢法變替謂私鑄之禁以其與國家爭利權也惟平價以市銅商賈無憚於官買而私買者省矣

八月倉場總督孫瑋爲漕儲遲緩通德二倉去京師不遠若河水未結暫以貯之不妨漸致所省陸運之費不貲○侍郎翁正春進萬歲八箴○加李化龍少傅○楊鎬奏報遼東奇捷○舒應龍尙書戎政林耀南工尙書

九月己酉皇貴妃王氏薨秘不外傳越四日閣臣爲請乃宣皇太子生母也

十月趙世卿久候不得命竟歸○工部臣言皇極門  
做成木料日久漸朽一木之費常至數千金甚爲可  
惜懇早擇吉豎柱以便明歲接續興工○文選主事  
董應舉言閩中巨室家於海商日引月長識者所慮  
海道嚴禁徒爲具文乞加意申飭應舉又言府史胥  
徒之役毒徧天下銓部所屬按款釐正庶幾可以救  
時○光祿寺臣言白糧係上供所需每年壓於軍運  
常至守凍請先於軍船

十一月壬象乾孫瑋各進兵尙書仍總督

十二月王圖自去○李化龍卒○刑尙書趙煥

部事

壬子四十年二月吏尙書孫丕揚叩辭出都○趙煥署吏部孫瑋署兵部

三月禮科周曰庠奏寧國童生毆辱縣官○光祿少卿徐必達言漕船阻凍不及春運顧募民船雖一時權宜之計究之於國計不便不若仍遵舊例初議發之孫居相因必達言遂中止

四月閣臣葉向高言朝政不行日復一日紀綱盡壞國體盡傷非敢以去要君實念在位有愧願早罷斥時廷機久處廟中復還原寓請告一百二十三疏矣



向高復杜門閣中虛無人者五月。○欽天監推算月食未確。有旨修改曆法。

五月署吏部趙煥請推補閣部大臣。○代王元配爲子。御人裴生鼎渭王以其母賤。令妾張氏母之。張有寵。進爲次妃。後生鼎莎。王老。兩人爭求嗣。閣臣李廷機在禮部署事時。主立鼎莎。至是人方攻廷機。遂有立長之說。主立鼎渭。刑曹郎李春熙來斯行等疏請速允廷機之去。以存國體。以謝言官。無波累藩國。禮臣翁正春請行勘。大同撫汪可受言無可勘。渭莎皆庶也。渭母未報封而先故。莎母已生子而後封。此其

昭昭者也

六月浙江巡按李邦華易試舍以磚○詔增陝西中額五名○殯皇貴妃王氏

七月虜婦忠順夫人歿撫臣言其納貢四十年最稱恭順宜加褒卹以勸

八月諭向高入閣○刑尙書趙煥改吏部○鄉試考官命下遲應天陝西移初場于十九日江西二十六

浙江湖廣二十九日○虜犯延綏撫劉敏寬報捷

九月內使群毆駙馬冉興讓於大朝門外興讓及教習官賈之鳳各疏奏辯御史耿鳴雷亦言國體凌夷

之極皆不報。典讓將冠帶置長安左門而逃。東廡奏

聞。上大怒。下旨切責。差錦衣官訪尋。奪典讓父

官罰教習官俸。○三遣官諭李廷機入閣。廷機陛辭

出都門。有旨差官護送。賜路費馳驛。○御史楊鶴奏

三大營虛伍不任戰守。時事萬分。否隔。御史楊州鶴

奏遼事大可寒心。○通政使吳達可奏。納言關係國

體。父前子名。君前臣名。古今一定。乃章奏常稱邑里。

如吳門歸德之類。又有隱語謎字。同於射覆。莫可卜

度者。皆無禮於其君者也。而制誥之詞。以君諛臣。近

甚。皆當釐正者。○禮科姚永濟奏文體上闕。國

運訛言默壞人心時有李贄批點水滸傳刊布盛傳  
有識者憂其教人爲亂臣賊子故永濟言之○科臣  
王聚洲劾奏郭子章近著三論一意趨奉婦寺一節  
明指人主當與廷臣隔絕何狂悖甚

十月考選官命下科臣李成名孫振基商周祚官應  
震李奇珍張延登道臣李若星錢春吉人田生金各  
疏叅卜履吉趙士諤牛應元趙健黃克纘徐可求徐  
兆奎王國楊鎬劉士忠李成梁趙楫

十一月軍政考選命下○葉向高求罷○吏尙書  
煥請點巡差御史○御史田生金奏告太廟宜捷宜

慎事 肅皇帝時邊事保首領者十不六七受世  
者十不二三今日邊臣之不以捷聞者幾何人其不  
獲世廕者幾何人豈今之邊才盡勝於昔人○奴兒  
哈赤殺其弟速兒哈赤并其兵復侵兀喇諸酋○虜  
犯遼東曹莊殺男婦二千餘人商店一空科臣麻德  
言鎮遠之敗以隱匿聞矣店山之敗未知的數矣今  
此之敗人言藉藉不知楊鎬何說之辭

閏十一月御史徐縉芳爲顧憲成請謚○御史徐良  
彥言朱賡餘黨王三善輩一意芟刈林泉誅鋤善類  
○誠意伯劉蓋臣論顧憲成及御史周起元程鳳麟

等列道公本各叅盡臣消亂國是箝制言官○禮部  
會議庚戌科場事榜首韓敬係湯賓尹別房搜取關  
節顯然知貢舉吳道南卽欲發之以語向高謂碍王  
圖蕭雲舉乃止及廷試敬復從第三改榜首人益不  
平科臣孫振基等遂發之湯韓繇是坐廢○吏部分  
別被論官牛應元楊鎬徐兆奎等回籍○御史過庭  
訓言自東林之名立而耳目見聞各有濡染我若其  
君子人誰甘爲小人○吏科張延登恭陳無黨之論  
以定國是論人者不必爲一網打盡之謀論於人者  
不必爲三窟藏身之計旁觀者亦不必爲黨同伐異

之舉。○刑科抄參太監王信關防事。會典開載。皇城九門有關防三十三顆。俱撥門吏收管。各吏闈撥錄於吏部。月糧支於兵部。而查照分於各科。與守門內官不相涉也。蓋吏役無甚威力。未必重爲解官商役之累。卽有奸弊。可以究懲。此祖宗立法本意。今北安門王信視關防爲奇貨。必欲奪之。駕言祖制。豈祖制有在會典外者乎。

十二月禮科范濟世奏請 皇太子代行祫祭禮。○

刑部郎沈應奎進法祖殷鑒。○禮部郎田大年奏稱梁雲龍以沈一貫私人撫楚黨庇楚王坐楚宗人以

大逆妄殺多命。環承天二三百里地震累月。雲龍還武昌。妖魔叠出。駭而病歿。舟行次京口。棺木破裂。屍水溢流。未必非怨魂作祟。而一貫尙微美謚。姚文蔚錢夢臯。冀倖顯擢。恐神靈所不與也。○孫瑋管都察院事。

癸丑四十二年正月。大計群吏。趙煥孫瑋許弘綱考功。郎張養正科翁憲祥。道余懋衡推舉。孫承宗李起元石崑玉等。○群臣合詞上請。福王之國。時張家灣以南沿河一帶行船。盡皆封禁。船戶數萬嗷嗷。行期無定。人情弗安。故群臣力請。○湖廣巡撫董漢儒請釋。



累臣滿朝薦卞孔時

二月命向高主會試起方從哲吏左侍郎副之向高以票擬不便辭不許及入場卽有二尉闖入監試御史請以中使送至院門外開中門令內閣官捧入再開內簾門置本於案中書官接入票完復開門傳送中使進御日以爲常二十九日放榜特於科臣取卷中元歷科元卷必屬詞臣時科臣勢張故特倚重焉

○左都御史孫瑋題按臣荆養喬擅去非法科臣姜性吳亮嗣言荆熊二御史方行勘而都御史旁撓何稱總憲御史徐良彥言熊廷弼去留易明旁人多添

孫振基言二臣一勘必不可少戶科官  
放贍減公六罪亮嗣以黨邪叅瑋并李成  
名孫振基徐良彥禮科元詩教叅瑋并選郎周應秋  
御史潘之祥言姜性吳亮嗣官應震元詩教植黨背  
公科道李奇珍崔爾進孫振基魏雲中翟鳳獅李邦  
華李若星言俱與吳姜不合又御史馬孟禎等九人  
合疏又科臣麻僖陳伯友叅廷弼殺士難語風裁廷  
弼兩疏自辯○吏尚書趙煥奏科臣曾六德年例外  
轉挾恨反噬○孫瑋求去不允○命封虜酋卜失兔  
順義王把漢比妓忠義夫人差官賚封勅至邊各散

去不受。御史李若星疏論卜酋抗。旨回巢。踰年告。

欵塞上。乃始受封。○科臣官應震言。廷對關防宜密。均二甲。而州部何以分均三甲。而中行推知。忽前忽後。漫無定衡。使排卷貲郎得上下其手。避五避十。取一取六。以爲選官地。委屬無謂。宜準禮闈試法。糊名易書。以一定後。先爲選法。差別庶幾各安其分。巧求少矣。

三月賜進士周延儒等。是科繆昌期。周宗建。周順昌。有夙瑤難。○原任禮侍郎吳道南。上庚戌科場號簿。於別房搜取卷中者。凡輒敬等十八人。湯賓尹南師。

仲各六人。○起李起元石崑玉巡撫陝西大同。

四月群臣再請福王之國內傳諭養贍地土不完錢糧未到。今春已暮。何明春行。閣臣葉向高附揭云。領諭挨改明春。雖皇上慈愛難割。而衆口改改非所以自明也。王國錢糧悉照潞府例。地租已多六千矣。

河南山東搜刮已盡。豈可強爲擾動哉。○刑科陳伯友言。絲綸政本之地。高宗所爲代言。任三重也。唐許有斜封墨勅。而其臣駁之曰。不經鳳閣。名爲勅。宋時有封還內降之宰相。皆爲內降之端。一開於之爲破例。繼之成故事。意便手滑。奸弊叢生。非盛世

之事也

五月孫慎行禮右侍郎署部事○閣臣葉向高求罷  
○戶科商周祚諫言日者外廷所傳官闈近侍少不  
當意立使自盡路人爲之酸鼻願聖心少加矜憫○  
四川稅監丘乘雲月進稅銀○左副都御史許弘綱  
以御史吳良輔宋槃之叅叩闕辭印出城○劉元霖  
尙書工部

六月諭閣臣向高曰卿堅意求去朕心何安皇太子  
與福王大義已定又有諸皇孫何疑之有之國在於  
明存必不再遲礦稅爲三殿非爲福王養贍田土有

首句可比。卿爲重臣，不得過爲疑忌。○南畿提學缺，  
在浙江。巡按呂圖南、禮科周永春言其人地不相宜。  
南奏繼批印徑歸。御史湯兆京言吏尙書趙煥欲  
用其鄉人韓浚，以故永春爲糾舉。永春卽劾兆京，初  
王圖今傾熊廷弼。○兵科趙興邦直陳大小臣是  
非之繫。○行人張文光奏請立皇太孫。

七月，武人王曰乾訐奏奸人孔學與貴妃宮中姜內  
相，並上軟盟，請妖人王三詔至家，咀呪太子。又刻木  
爲太后、皇上像，釘其目。又約趙思聖在東官侍  
衛帶刀行刺，語多涉貴妃、福王。閣臣向高語通政司

具奏疏與日乾疏並上而密揭此奸徒所爲當靜  
之。上覽日乾疏大怒。徬徨莫知所處。至掀翻御案  
左右皆辟易莫敢言。已見閣臣揭默然霽容將揭疏  
賔蕙之。向高復密奏速定福王之國。上納之。尋以  
他事下日乾於理。○山東淮南大水。○御史魏雲中  
叅選郎周應秋。兵科吳亮疏駁雲中。御史田一甲叅  
太常少卿吳忻不當陪推巡撫。○左都御史孫瑋文  
華門叩辭出城。○張鳴崗尙書南刑部。○奪御史湯  
北京係

八月釋滿朝薦王邦才卞孔時於詔獄三人皆稅監

所誣奏也○禮臣孫慎行請東宮講學○吏尚書

趙煥請黜用各處巡撫○閣臣葉向高辭位不允

九月起丁賓尚書南工部○御史湯兆京拜疏去國

○周嘉謨總督兩廣王紀巡撫保定○方從哲吳道

南爲大學士○吏尚書趙煥叩闕出城○御史方大

鎮拜疏自去

十月子孫瑋回籍○起李楠巡撫陝西○御史田一

甲上言門戶所起時行錫爵一貫賡廷機諸輔傳燈

一二孤憤之士建言被逐於是聚徒講學以道學之

名號召天下凡生長其地宦遊其地者或寔意仰高



或葛藤相絆而靡然從之。門戶之名立矣。遙制朝紳。迫挾台輔。夷跖惟其所趨。復有一二奸雄。彼此借資。門戶之威熾矣。李三才。王元翰。一人其黨而貪。可爲廉。黃克纘。史繼偕。不入其黨而賢。可爲不肖。在南最煽者。于玉立。吳正志。丁元薦也。在北。王圖史。記事。胡忻也。今作崇之人。旣去。碍眼之人。已歸。願諸臣悉捐往念。而共歸大同也。○予趙煥回籍。○侍郎張問達。署刑部。兵尚書。王象乾。署吏部。工尚書。劉元霖。署都察院。○方從哲內閣到任。

十一月。禮臣孫慎行定福王之國之期。俄傳

旨云

聖母七十在邇。留王慶賀禮成之國。向高封還。

御札言

皇上以慶賀

聖母之虛名而行昵。嘗愛

子之私計。不可慎行。復力爭之。福王又需莊田四萬頃。乃行。向高請減半。○內官邢洪糾其黨四五十人。於午門外凌誅御史某。御史田一甲奏聞不報。○御史過廷訓言。職掌混淆。弊在大臣。與言官之助已。收爲入幕之賓。又誤認林下之持議。皆公正。而借爲護身之檄。于玉立湯賓尹。貽書長安。至今牽連未已。

十二月。葉向高六年考滿。加少傅。建極殿大學士。賜宴禮部。○皇太后失豫。上日夜恭侍藥餌。虔禱。

上蒼願以身代○南道御史王萬祚時事不堪再壞  
疏專論湯兆京風波之惡未幾萬祚暴卒萬祚清嚴  
自處其巡下江按行蘇松凡黠吏豪奴害人者擒卽  
杖殺一時風裁凜凜人心痛快犯罪者不寒而慄其  
卒也白日見鬼或言其中毒然衙邸蕭然破衾藁席  
貧無以爲歛見者莫不嘆息○御史潘汝禎疏叅翁  
正春賀煊韓敬○戶部郎李朴言奸邪驟逐正人浙  
人則姚宗文劉廷元湖廣則官應震吳亮嗣黃彥士  
山東則元詩教四川則田一甲四省合爲一夥如趙  
興邦輩不過趨勢附炎耳皆可斬也錄是科臣姚趙

吳官元五人道臣劉田二人各疏攻朴道臣張至賢  
李徵儀過廷訓科臣周永春翁憲祥亦各特疏叅朴  
詞牽孫居相賀煥湯兆京下部看議有旨惡朴出位  
生事降謫閑散○御史李若星疏叅黃克纘○御史  
孫光裕叅行人劉宗周黨借東林○皇太子妃郭  
氏薨○以宋儒羅從彥李侗從祀孔廟○薊鎮永平  
軍士鼓噪○禮侍郎孫慎行請福王之國行期二十  
八日命下是安傳言皇貴妃請於皇太后期留王待  
四十二年薨太后七十然後之國太后曰吾潞王可  
宜乘否貴妃語塞及慎行疏上上向貴妃索所賜

御書對神焚之。乃下定行期云。○奴首圖其壻吉卜  
吉卜投北關。金白二首納之。奴兒益壘南關。曠土諸  
營。請遼告急。奴兒好語謝都御史。謂撫安等區。阱牧  
日久。惟新壘者。槩罷張濤。揣情形上書。謂北關近關  
二壘。其一建首求婚北關老女。北關不與。而又匿其  
逋壻。其一謂金台失有女。爲兄奴林收養。嫁西虜宰  
賽反目。金酋故殺奴林妻。幸酋乘隙。挾求老女贖罪。  
於時副將曹文煥盟北關將援之。奴首計慮我兵以  
第七子巴卜海入撫順關。願智質廣寧。濤甚侈其功。  
奴首度我弛備。卽嚴兵燒北關。十九寨總督薛三才

爭失策請先募二千餘兵令原任總兵麻承恩  
分統屯開原待其變頃之御史崔鳳神言奴酋  
不在塔女以天朝作外夷撮合名汚而體褻北關勢  
之不支今日宜急救以完開原奴酋又訴無他意北  
關為西虜抄掠部落苦饑投奴甚衆

四十二年正月戶侍郎李汝華奏理材須秉真心  
恭屯邊一策既可足國亦能禦虜曩有獻地水師邊  
界者謂地中有水卽地險也撫臣張濤石崑玉徐鑒  
開田各有成績而行之深有益於度支者御史盧謙  
言屯田以養戰士非以養將官今立為養廉之名或

占之或粥之則所支常俸謂何必大修農政而清影  
占始爲國家之利

二月改鄭繼之吏尙書黃嘉善尙書戎政○御史張  
銓參李朴肆言亂政顧憲成三書之失畢竟難揜高  
攀龍劉元珍清風可尙鄒元標馮從吾時方仰之若  
越南星王德完鍾羽正白所知龐時雍爲世所推誰  
忍斷齧之于玉立翻雲覆雨士類之梟獍諸臣攻之  
爲世道計耳巧於行險者必假途於正沈正宗賀垺  
至朴而愈奇矣○皇太后李氏崩頒遺詔於天下  
寬釋楚宗人幽禁

三月福王之國百官送於郊外。○劉元燾、李石、侍  
郎林如楚署部。○王象乾辭署吏部，封印火房。○張  
同達署都察院。

四月福建稅監高家率其從人突至撫臣署，執撫臣  
袁一驥及其子，至已署辱之，復拘執按察司官。○御  
史田一甲陳言漕糧白糧規則，以便新運。

五月給事中張國儒、姜性、叅太監盧受。○存問申時  
行沈鯉。○給事中元師教、姜性、叅選郎郭存謙不宜  
推李朴存謙認過不辯。○潞王翊鏐薨，謚曰簡。○祀  
地於方澤，閣臣方從哲、禮臣孫慎行行分獻禮。○署



工部林如楚酌議水衡事宜責成經手慎發預支申  
飭外解○御史董定策請分祀理學名賢○禮科姚  
永濟奏言西北之田開墾以寬東南之力大有關於  
國計北土縉紳恐異時賦役繁重群起而撓之皆中  
官盧受等害其成也

六月葬孝定皇太后發引日大雨傾注皇上跪禱  
雨止方行僅雨少微皇上太子送之承天門外  
泥深道滑至晚僅到土城露宿百執事屢踰四散次  
日日脯纔至沙河夫用三千內官折價用八百天雨  
星散梓宮比舊加大肩重難勝幾委諸外朝兵部撥

出軍助之。四日至陵。

七月署吏部王象乾奏慈綸久滯事。爵祿名譽王者

歷世磨鈍之具。世治則其權在上。爵祿卽爲名譽。世

亂則權旁落於下。有爵祿所不及。而名譽歸者。○工

科劉文炳再參徐縉芳。御史劉策再參劉文炳甘心

爲錢虜韓敬所使。御史陳一元辯文炳疏。南工科喻

致知參馮上知。御史吳之皞薦王紹徽。朱一桂。劉國

縉。工科劉文炳再參陳一元。○前大學士申時行卒。

八月吏尙書鄭繼之到任。初五日孫慎行封印出城。

初六日王象乾亦封印出城。何宗彥署禮部。○闕臣

葉向高乞休得允上表謝請補大寮點科道罷稅發

餉○南工尙書丁賓到任○奴酋與暖兔子締婚專

窺北關開原巡撫張濤言北關本覲建夷參貂珠之

利誘匿卜酋奴酋富殖遼人爲所用我師未出彼防

已預奈何以極疲之兵極匱之餉爲北關守老女且

北關爲我守二十里之邊建酋爲我守九百里之邊

失建夷心而增邊戍是爲無策御史董定策謂濤中

通事籍大成之誤已而奴兒復耕前罷墾地叅議薛

國用力主驅逐會巡撫郭光復新蒞任遂統集標兵

赴遼陽示虛聲奴兒哈赤遵諭退地定界將六堡退

遷大書番字碑陰有建州部夷盜襲陽馬奴兒卽戮  
之碑下以示恭敬

九月鄭繼之請錄用廢臣○南道吳良輔言劉文炳  
一疏而彈徐縉芳陳一元劉策李若星再疏而彈李  
維禎蔡毅中張文光焦竑世上幾無完人願諸臣各  
捐成心共借大道○御史劉策言文炳不過竊沈一  
貫餘威尋聲逐臭耳豈計及萬世清議哉

十月李誌署兵部○前吏尙書孫丕揚卒

十一月御史馬孟禎言銓政屢見失平近推張鍵宋  
際不過議論不投時尙若齋之辟止是疏論熊廷弼

而張篤敬則力發場弊爲韓敬之仇敵耳侃直之劉  
策方被牽纏而發奸之篤敬復行速轉何更甚也  
侍郎林如楚言御史劉光復疏摘李三才擅用官木  
係在前題未收五萬數中若係盜買則責應分於商  
人且五萬餘木非一家所買若縣司議發商賣抵脚  
價如臺臣言則責應分於該司

十二月戶科官應震糾少卿葉茂才

乙卯四十三年春正月日黑無光○福府中使出勘汝  
州地租杖殺佃民盡境軍民奔逃又中使占住省城  
貢院又中使入兗州東昌所在播虛撫按各上疏言

之寢不報○兵科吳亮嗣叅論尙書李三才盜用皇  
木○故尙書趙世卿卒

二月御史朱階論方從哲事多模稜○御史魯之賢  
劾兩廣總督張鳴崗○御史金汝諧論考功趙國琦  
用舍不決因薦劉國縉王紹徽朱一桂○科臣李瑾  
糾叅選郎胡來朝以年例外推張國儒馬孟禎徐良  
彥爲徇私御史劉光復叅瑾御史王雅量亦叅瑾并  
及于玉立李三才御史李養志亦叅瑾及趙國琦又  
光復來朝再疏攻瑾瑾亦疏攻二人○大小九卿會  
方從哲於東閣以儲講婚禮未定從哲再詣官門疏

請不報

三月朔日食。御史金汝諧論太僕少卿葉茂才又恭  
福撫袁一驥受辱於宦官。遣官諭方從哲進閣。

四月閣臣吳道南到任。有男子張差持赤挺突入  
東宮。傷門者。內侍執之。下法司問。御史劉廷元疏言  
其迹涉風魔。貌似黠猾。刑部胡士相等定爲風癩。提  
半官王之寀重加訐問。言有馬三道誘至龐劉二  
中官處。語多涉鄭國泰。國泰出揭自白。言多支吾。若自  
供者。科臣何士晉請窮其事。上大怒。召皇太子  
及諸皇孫。詣慈寧宮。太后兒筵前行告慰禮。悉詔群

入見。上執皇太子手示群臣曰：此兒極孝。我  
甚愛惜，言未竟，御史劉光復從後抗誦。上慈操南  
音聲高。上疑有他語，甚怒，命內侍執付法司。上  
令皇太子諭諸臣曰：爾等無聽流言爲不忠之臣，  
使我爲不孝之子。上悅，尋誅張差於市，斃龐劉二  
侍於內庭。凡再四論內閣張差事，不必株連，事遂寢。  
於是罷王之寀官，補何士晉於外。在廷左右之議遂  
因之而成要典一案云。

葉向高曰：光皇潛邸事有干碍難直書者，張差  
之發，予在里居聞王之寀曾語侵張問達，故予往



問張虛實云何。張言之。宋所發。事事逼真。當時向  
獄。皆同所云。風癲者。飾詞也。安有持挺入宮。而可  
稱風癲者。余故實錄中。委姚載之。當時問官岳駿  
聲。力主風癲。言官從風附會。而之宋被重譴矣。當  
王曰。乾告變。已云。麗成。劉保有謀。差所供。復與之  
同。似又不出癲者之口。神祖斃。二奄於禁中。不  
遣之。就理。聖意淵然。可以默論。

董其昌曰。張差一專。此國本之大窳係也。當時罪  
臣既得。滿朝譁然。使光考復持之。堅而皇祖  
又無辭於外庭。則官府之間。必有大不安者。賴

光宗以恬處之。陛前解論不爲窮治無累。神

祖之慈益光。光考之孝矣。

五月命相。皇太子妃坟地。給東宮生母。皇貴妃

攻戶。京師自正月不雨至六月。縱釋馬三道等。

若戶部重擬劉光復罪。奪刑侍郎張問達俸。日本

國王源秀忠集兵攻平秀賴于大板。滅之。秀忠家康

子也。

六月福王遣人至登萊。丈田。叅政姜志禮上言。福王

莊田跨連三省。良繇去相葉向高。欲以福王去國爲

功。遂不欲拂。皇上溺愛之私。莊田踰制。竟不極言。

方從哲踵而仍之醇酒優游迄無成規惟隨撫按之  
吻云勿騷擾勿丈量而已今日之始謀肇他年之籍  
口使藩王得與天子爭土不可不蚤慮也有旨志禮  
降三級調用

七月淮南大雨山東旱蝗○福府長史張士俊求罷  
遂承奉樊用罪惡乞諭王免行開店本府食鹽改支  
河東贍田租聽有司

八月吏侍郎李誌署都察院院自四月至七月懸印  
閏八月山東青州盜起安丘城陷○屬夷虎墩兔愁  
犯廣寧錦義○套寇分寇延綏孤山副總兵全軍覆

沒

十月行人陸大受陞撫州知府。不下前大受因張差事，參鄭國泰出揭支吾差供街道大宅，明有所據。三老三太互爲表裏云云。有犯時忌故也。○內旨給蘇杭織造太監呂貴勅書，并掌稅務。○京師地震。

十二月工部臣林如楚請循祖制織造，停遣內官，以甦東南民困。○北關白酋以老女婚暖兔子，奴兒哈赤發兵爭之。御史王雅量疏稱：向救北關，恐藩籬一撤，奴酋與暖兔合而遼不支。今奴暖爭婚，勢不驟合。而北關依強，援於暖，適爲中國利。奴或不聽，宜諭我。

督北關陰約暖兔從南關入奴亡可待。

董其昌云奴之圖北關其意蓋在遼陽也而借口於嫁老女邊臣方幸其爲鵠蚌而恬不知儆卒中其謀惜矣。

丙辰四十四年春正月大計群吏會舉卓異沈儆炳王

春晉等○河南大雨雪雷電易州無雲大雷隕石○李誌尙書刑部○武臣凌應登毆御史凌漢冲於朝有旨會勘禮科余懋孳御史李養志各以叅應登罰俸御史翟鳳翀亦以論應登謫外

二月閣臣吳道南主會試吳江一富子以懷挾舊文

賜首士論譁然覆試曳白遂削其名前向高主屬吏  
科取元道南效尤遂獲麈卷故是科會錄無元

三月賜進士錢士升等是科魏大中李應昇黃尊素  
萬燾俱成魏璫之難

賜身賜廷御史康丕揚上言天下風俗半壞於東林  
不習之手戈矛所指老成立盡朱賡嘗歿王錫爵辱  
歿趙世卿憤歿徐兆魁朱一桂王紹徽劉國縉秦聚  
奎同時並逐○京師大雷電雷火焚稅監張燁房○  
吏尚書鄭繼之等叅兩淮巡鹽徐縉芳賍私狼籍○  
李汝華尚書戶部

五月江西大水。○兵科熊明遇言時事八可憂。五漸  
三無。無者紀綱吏治人心也。又劾閣臣從哲自言無  
特可怙。必須平看。怙閣臣者何如。而後閣臣之勢始

六月清河兵私出松山採木為奴。首部落殺掠。御史

王雅宜叅游擊馮有功。戴罪。○時上於萬幾繫置

不理。而嚴於御內。莫敢有私竊者。故推補大寮。庶寮

之疏。無歲無月不上。而寢閣皆出自上意。方從哲

能以循默苟容。獨當上眷。御史出差至五六年不

受代。而有徑自去者。去亦莫之問。中外惟以叢脞相

尚而勤事之吏無不垂首喪氣。○起居注之職向有一翰林官專任葉向高廢其官而自領之。然向高便於筆札歲月微有登記。至從哲而遂廢。有以日後史事爲言從哲云異日纂史官自弔各部本章閱之內計數百日記庶務繁夥多自焦竑遭謗後史官避嫌不敢至內府。總閱而書皆爲吏役竊去。所藏漸耗。有諷從哲整飭一書者從哲感額曰此又多事。

七月有旨修理咸安宮。二侍竟送工侍郎林如楚私寓。○李廷機卒。

八月壬寅 皇太子出關講學。一日劉一燝韓爌作



班太子見中書汪某曰老矣汪奏云臣十七年不得

詳錢氏印步

望見殿下

十月黃嘉善尙書兵部○原任漕撫李三才上言自  
沈一貫假捏妖書擅戮楚宗舉朝攻之以去此一貫  
自作之孽及韓敬與湯賓尹交通關節倖中會首此  
敬自作之孽與浙人何干何必死與正人爲仇今挺  
身主盟報怨者王士昌劉光復而爲王劉効力者劉  
廷元李徵儀商周祚姚若水聶心湯陸夢龍以大臣  
之賢者言之則葉向高王象乾孫瑋王圖孫慎行許  
弘綱胡桂芳張濤去矣曹于沐胡忻朱吾弼葉茂才

南企仲朱國禎郭涓朱延禧南師仲朱世守朱光祚  
馮上知去矣近又攻陳薦江應蛟荊州俊馬從聘矣  
以小臣之賢者言之胡應言李成名程紹呂邦燿梅  
之煥孫振基麻僖段然解經雅張篤敬吳亮馬孟禎  
湯北京李若星王時熙周起元史學遷孫居相劉策  
魏雲中陳一元蘇惟霖汪懷德蔣貴史記事彭端吾  
錢春去矣趙國琦劉崇文張養才孫鼎相涂一榛李  
樸鮑應鰲常澄丁元薦趙邦清龐時雍吳正志王士  
騏沈正宗賀烺劉宗周去矣仇正之言不過曰東林  
何謂東林顧憲成講學之所也從之游者高攀龍姜

士昌錢一本劉元珍安希范于玉立黃正賓樂元聲  
薛敷教等束身表表何負國家哉偶曰東林便行於  
斥卽一世人望如鄒元標趙南星楊東明以此名加  
之卽遲而不推其亟推取旨者非史繼階徐兆奎卽  
應甲朱一桂也異哉有旨三才削籍爲民○甲子  
夜京師異常風變聲若轟雷刮倒正陽門外牌坊  
十一月己巳隆德殿火己丑延熹宮火

十二月辛丑白虹貫日○薛三才尙書戎政

巳四十五年正月癸未東朝房失火○禮部疏請應  
送諸臣四十四人○兵科趙典邦論陝西套虜新舊

五市一歲兩行金糴之費以八萬計七年之間所費幾六十萬每年以二十萬爲芻餉之費則士飽馬肥卽長驅虜廷可也○貴州巡撫張鶴鳴集兵勦苗仲巡按楊鶴請發帑金四萬以二萬爲困守之需以二萬爲善後之用

上按萬曆末年承平日久撫按每以開釁爲功請發帑藏請調土兵官收其利民當其災國受其害鶴鳴此舉斬殺無辜以萬萬計而苗民洵洵思亂矣

二月原任按察使邢雲鸞言日星惟在測驗今五

次舍與授時曆所載稍異。蓋司天氏止沿舊法，難以無差。夫日月五星謂之七政，七政既齊，四餘亦理。此天度之大紀也。○閣臣以東宮出講期，上請內批俟秋涼。

三月始考察官吏。尚書鄭繼之、侍郎李誌科、徐紹吉、道韓浚考功。趙士諤主計。黜馬上知李樸、丁元薦等。南察沈應文、于倫爲政。黜章嘉禎、金士衡等。拾遺則王之寀、鮑應鰲、孫瑋、曹于汴、孫慎行、魏養蒙、朱國禎。凡號東林者一網打盡。每年詠典皆於正月舉行。此歲請旨未下，遂遲。至於是月。○閣臣言三冬無雪。

春不雨三農無播種之期。祈免順天府存欠。及過路落地二稅。○鎮撫司理刑缺官。日久無人問斷。監犯淹繫。死亡家屬百餘人。聚哭長安門外。

四月王之寀革職爲民。○貴州巡撫張鶴鳴奏勦川屬土官。

董其昌云。川屬土司改隸黔中。本以勢險聯絡耳。計不出此。而討苗討安。日尋干戈。川原山谷。厭肉流血。君中調度者何人哉。

五月群鼠蔽江南渡。○延綏巡按金忠士奏邊將失守之律重。邊將之權反爲虜操。若曰我一犯捨爾罪。

立至故邊將往往啗虜以重利使之或東或西而不  
出於所轄之地常嫁禍於隣者願寬其文法以責成  
之○閣臣奏通政司缺官一月四方章奏壅滯未上  
六月御史駱駿曾薦起湯賓尹○皇親鄭養性襲父  
左都督侯駙馬子昌國乞恩得都指揮使兵部署印  
崔景榮奏戚畹恩施不宜太濫乞遵祖制收回成  
命○景榮又言守禦御將之法不宜專用債帥以辱  
邊境自中時行當國以來九邊大將非賄不得至蕭  
大亨爲兵部武選職方明目張膽以賄次第凡都司  
守備之官負債各以千計中外相應以爲固然○閣

臣奏廟享期近太常寺缺官

七月己巳京城大風雨社稷壇門東中門門擬刮折打灰門軍五鳳樓東華門吻獸吹落午門前 聖旨牌刮倒拔東河大樹數株○大學士吳道南丁繼母憂出城沿途候命道南有時務十二議而於河漕特詳大意謂河淮合流入海海口沙積日高將以邳泗爲壑 陵寢浸衝可虞泲河多砂礫用力挑濟高積兩岸一遇洪漲仍復下塞徐沛間河愈壅愈決愈決愈堤河身日墊不可不重慮也漕糧繇河至衛輝用車轉入衛河止一日耳比河運費可大省引沁入衛



河亦可比與衛合何詎無漕仍募民治田溝洫修則水勢分而可治也

八月從哲請補閣臣時從哲臥病兩月章奏皆就私寓票擬十六日遣內官王體乾到從哲私寓諭云國家多事豈得久臥私居從哲奏云臣一疾纏綿久稽入直雖票擬不廢而在公之誼有虧遂於十九日入閣以東宮講期上請內批無吉日停止

十一月虜犯喜峯口巡按薛貞劾叅將郭珍等降罰閣臣從哲上言部寺大僚多缺都察院空署數年六科止存四人十三道止存五人王紀陞漕運王佐

臣河道汪可受陞薊遼而保定江西湖廣巡撫久無  
候代

十二月日本對馬島帥平義成以其主源秀忠命通  
和于朝鮮朝鮮釜山制使吳大男以聞

萬曆十六年正月辛酉朔大學士方從哲以貴撫張  
鶴鳴請合勦兩江奏請黜徐兆魁為湖撫○鶴鳴奏  
支銷過銀十萬兩再請接濟○黃克纘奏築浦口城  
用過銀三萬八千兩

二月癸卯吏尚書鄭繼之兵侍郎崔景榮後先各于  
大明門叩辭出城○閣臣方從哲以子致頌媾女事

被參註籍

三月有旨下從哲私寓○御史田生金奏廣東備謫  
六人政事則尚書張泰陳紹儒侍郎陳璉節義則員  
外張祭長史莊典理學則郎中唐伯元○辛未京師  
狂風驟起黃塵蔽天晦冥咫尺莫辯將昏時電流如  
火赤光照地又雨土濛濛如霧

四月張鶴鳴進兵而江敗績疏言楚撫有二旅騎角  
期月可以蕩平湖廣巡按彭宗孟言鶴鳴擅開兵燹  
責人以難辦之役有旨令協心任事○奴兒哈赤犯  
撫順市執游擊李永芳去城遂陷因以漢字傳傲清

河言有七事。啣恨脅併北關。巡撫李維翰趨總兵張承胤以兵應援。奴兒僞退誘我師前以萬騎圍之。承胤全軍覆沒。○陝西大兩雪凍死騾畜二千。○京師正陽門外河水三里餘赤如潰血。○命總督汪可受出關調度。李維翰移駐遼陽。起廢將李如柏總遼東兵。徵廢將杜松屯山海關。劉綎柴國柱赴京。以楊編為兵部侍郎經畧。

○四月滿酋寇馮谷石塘路遊擊朱萬良却之。○奴哈赤歸虛受所遣私人張儒紳等齎夷文請和。○薊鎮東協四路屬山海關自為一鎮。○御史李徵

儀請速治遼撫寺維翰○王佐爲治河總督佐言治河以無事爲智如狼矢口不可不塞黃河故道難聽久湮直河泛濫可虞泉源微涸當濬淤身尙多砂淺水櫃漸作桑田凡如此類亟應修舉

五月福建長泰同安二縣大雨雹傷民二百餘人○

巡按崔爾進請留洋餉二萬分賑○兵部請發餉二

十萬解赴各鎮調兵○諭杜松劉綎出關給太僕寺

金六萬兩市戰馬○丁未奴陷撫安三岔兒白家衝

三堡○建福王次子德昌王由松府第○李維翰革

職爲民○戶部李汝華陳太倉匱乏之繇軍餉急需

○永寧土舍奢寅與水西土婦奢紳相仇  
寅父崇明之妹安堯臣妻也○差文書官捧旨到  
從哲私寓戶部所進金花銀兩缺少數多昨已傳諭  
不見解到卿可傳示戶部遵旨上緊使軍餉不缺不  
得借言請帑○錦衣印官驗思恭奏言二年不行熱  
審監犯積至二百名在監拋瓦聲冤乞通送刑部歸  
結不報

六月遣官諭從哲入閣視事從哲屢疏言吏部署印  
久虛乞卽批行不報○工部主事鄒之麟言群臣謀  
國不忠侵方從哲李汝華薛三才汪可受○命支馬

價六萬付照磨萬有孚往宣大買馬。○張鶴鳴奏勦  
毛口六陸賊七百三十三級。○起趙煥吏部尙書。○  
賜總兵張承胤謚。

七月御史張銓言奴之山川險易諸將未諳深入保  
無抄絕昔臚胸河之戰五將不返奈何輕言今宜就  
近調募屯集要害以固吾圉厚撫北關以堅其敵若  
加賦選丁騷動天下恐愛不止奴者張銓又言李如  
相杜松劉綎以宿將並起勢不相下必責成楊鎬使  
之約束張承胤不量而進喪師辱國歟何足贖梁汝  
貴顧廷相突圍而出見失主將陷陣而歿宜加優卹

昔李維翰縱不逮治亦當禡職以爲失事之戒。鈴又論承胤不宜子卹。○奴兒冷亦私清河叅將鄒儲賢拒守賊穴墻入遊擊張旆戰歿城陷儲賢亦歿。○賜經畧楊鏞劍時議謂楊鏞工于媚虜揜敗張鶴鳴果于勦民爲功揚鏞北禦鶴鳴南撫時事可知已。○湖廣巡按彭宗孟奏貴撫張鶴鳴開彙規避乞查勘以責成功鶴鳴議開礦烏撒夷民不從。○議徙寬奠子女於遼陽增設遼東巡撫周永春。○南兵主事鄒維璉言邊患孔亟宜選擇大將以任戰守。○朝鮮義州鎮制使李善以奴入犯遼陽謀來告。



八月尚寶少卿楊述中言勅書用寶空日空月恐生  
奸弊。故太僕少卿吳烱捐貲一萬兩助邊。且言昔  
人助邊得官。士林爲耻。臣今以休致官助邊。非有他  
覬望。勅戶部收受戶科官應震言。烱有官非求進。無  
子非求恩。宜表章之以風勵群臣。

董其昌云。世宗時倭亂。用兵里居士大夫史際  
等有功餉者。璽書褒獎。進階遼事起。惟黔國公沐  
昌祚與烱而已。士大夫顧有因官致富。金穴銅山。  
田連州郡。曾不忍捐一文錢濟國家之急者。猶復  
坐致高官。自謂得計。其人賢不肖何如也。

九月總兵麻承恩下詔獄○奴兒哈赤犯撫順李如  
相拒之○東方有白氣長竟天凡二十九日而滅○  
京師地震○贈大學士李廷機少保謚文節沈鯉太  
保○張鶴鳴自劾銅兵鼓噪紅苗乘機搶掠悞事求  
去詔慰留之○戶部臣請加派田畝每畝加三釐五  
毫

十月星隕南京安德門外化爲石○閣臣從哲言一  
陽初始慧芒轉甚天怒未已在上皇轉移之閣臣  
居密勿之司未有一人支數年之久者六部率多署  
事左都懸缺多年三科無官四科無印抄發之規盡

廢封駁之任久虛掌道無人侍班無人巡城無人外  
差者無釋負之期其於人情何如也○湖廣巡按彭  
宗孟按楚四年不代以病乞歸○御史楊鶴請通商  
恤竈以平監務

十一月兩淮叅議吳撫謙奏遼左危急已甚必深溝  
高壘以拒之毋輕用戰以蹈不測○四夷館少卿胡  
來朝請京邊兵更調以練膽勇○戶主事洪啓初奉  
差事跋言黔滇當加意存恤恐有意外之變

十二月套虜猛克什力率部落來降○特旨命鄭養  
性襲其父右都督○祖制藩府食鹽三百引每引二

平戶府准一千三百引每引六百六十斤于河東  
運支巡按王遠言非典制不報。○吏尚書趙煥爲計  
期申飭謂大計訪單雖有失實不署姓名是教之舍  
沙也。若明註造單之主名庶幾清議有歸。○兵部郎  
董承詔言唐九節度之師潰於相州以無帥以統一  
之也。今將多而難調遼事尙多可憂。○兵科趙興邦  
言近者賊入會安上下相蒙。楊于渭欺隱。但報胡咸  
寧附和扶同有。旨姑着策勵。○北關金台矢以勦  
奴酋一寨來告。

紀四十七年正月命給事中張延登署吏科料理察

典○大學士方從哲移書楊鎬趨戰○兵部黃嘉善  
請授皇戚鄭養性都督僉事○援遼遊擊佟國祚叛  
附于奴以父鶴年在奴也

二月楊鎬誓師遼陽分四路馬林率麻岩丁碧趨開  
鐵杜松率劉遇節趨瀋陽李如柏率賀世賢李懷忠  
趨清河劉綎率祖天定喬一琦趨寬奠總兵王宣趙  
夢麟官秉忠李光榮各駐邊堡策應○命戶侍郎李  
長庚督餉○甲戌京師風霾晝晦從未至酉黃塵四  
塞冥如深夜已復明光赤色如血○命傳諭慰屬吏  
征將士○麗江土官木增獻銀一萬兩助餉

三月賜進士莊際昌等。時際昌進呈卷有別字，有處補字。科臣楊漣疏曰：以狀元而別字，必三百進士皆不識字，人可。以狀元而洗補，必三百進士皆曳白。可。一時諱其直言。○杜松越五嶺關，抵渾河，焚尅二柵。半渡，賊萬餘遮擊，衝我師爲二。車營鎗砲水急擁渡，不前。松等由頭駐軍，而林間伏盡起。松血戰突圍，自午至酉，力竭師殲焉。松及王宜、趙夢麟皆歿。馬林、繇三岔出塞，抵二道關，夜聞松敗，軍遂譁。旦遇敵，至林飲眾以退。賊追擊之，歿者枕籍。僉事潘宗顏通判董爾儻皆歿。劉綬出馬家寨，深入三百餘里，尅十餘寨。

賊詭服中國服誘墮重圍夾攻之衆遂潰緹戰沒遊擊喬一琦斬奴婿火胡血戰四晝夜奴必欲生縛之投崖碎首而歿朝鮮將金景瑞從緹先登者亦全覆惟李如柏先受周永春檄中道撤兵不見虜而還○虎墩乘機挾賞詔總督汪可受移駐山海關○起前御史劉國縉贊畫復起前御史熊廷弼馳渡遼○丁未皇太子才人王氏薨○主事夏嘉遇參論方從哲受賄寬李維翰與兵科趙典邦爲比不報○兵尙書黃嘉善率九卿科道叩文華門請發內帑特旨允給四十萬兩○兵科吳亮嗣劾夏嘉遇不當奏許元

詩教趙興邦黨邪害正乞斥之時元趙爲從哲私人  
人莫敢犯已而張迺登房壯麗亦劾嘉遇如亮嗣言  
○李如栢候勘巡撫周永春請以其弟李如楨代將  
御史楊鶴言如栢兄弟與奴酋有香火情楊鎬令箭  
不以止杜松劉綎其心可知請令在朝諸臣保如楨  
而後可用

四月御史唐世濟劾奏方從哲尸位誤國○宣武門  
外嚮關至東御河水盡赤○虎墩兔愁擁衆數萬臨  
廣寧邊○宣鎮營兵鼓譟不赴調詔逮治總兵劉孔  
胤



五月科臣張延登奏劾擅去諸臣侍郎林如楚沿途候旨御史楊鶴掛冠徑去兵科趙興邦與疾出城巡方崔爾進張惟任俱不候代○戶科李奇珍論李如栢先納奴兄弟素兒哈赤女爲妾生第三子彼中有女婿作鎮守遼東落誰手之謠○漳州民李新自稱弘武老聚黨流劫○遼東贊畫劉國縉疏稱李如栢雄才大畧令其坐鎮遼陽以樹威望而印文無破格語當以如栢爲征虜將軍賀世賢爲征夷將軍○奴酋僭號後金皇帝改元天命○李如栢至邊自以衛列少保與經畧總督爭禮

六月奴兵自靖安堡入圍開原。三日城陷，馬林被殺。官鄭之范逃，出奴進犯，鎮西堡、潘陽、鐵嶺軍民皆潰。○擢熊廷弼、俞都御史代楊鎬經畧。廷弼疏請決衆恢復開原，單騎就道。○戶部請增李登父子職銜，以鼓激義。時李登父子捐驅捐資以勸遼事，僅加巡撫職銜，時論少之。○簡討丁紹軾言遼事屢敗，急須用人，尤急于經畧，而必取之田間。登舉朝皆巾幗乎。尚原道補韓原善，而原善以資望辭。今開原已矣，舊者胡爲與之去，以一署印推官了之乎？武官卽親喪，不守制，文官戴罪立功，猶屬寬典。遼何時也？今日准

某將養病。明日准某道臣養病。皇上不行詰問。聽諸臣容容各順面情。朦朧搪塞。如用泥補舟。不覆不己矣。○三帥輿尸之報至。京師震動。公卿有潛出其孥外逃者。御史楊鶴極言伸正義聲。催戰之失。給事據拾他事論鶴欲逐之去。御史牟志夔復彈給事之阿附。害正以救鶴。○關原被圍時。北關先期密報。及寇至。出兵二千來援。至而城已失。○戶部開款令郡邑捐助。

七月。拙化攻克十方寺堡。○奴兒哈赤陷鐵嶺。○左

宗室徐光啓使朝鮮宣諭應援。○遣給事姚宗文查

遣兵馬○熊廷弼馳至廣寧○水西安臺臣以女  
妻安效良效良愛故妻活菩薩與臺臣生險陰構烏  
撒土婦隸氏買養官保與效良討印帶水西烏撒阿  
地阿梯兵追效良夫婦殺虜殊慘

八月二日廷弼受代翌日入遼陽斬陣逃遊擊劉遇  
節中軍王捷逃城遊擊王文鼎廷弼稱遼左凋敝  
之形人心離散之狀○遣縱騎逮楊鏞○宰賽因鐵  
嶺之陷引兵與奴酋爭開被執○總兵李如楨襲西  
虜殘殺爲首功御史陳王庭劾之經畧熊廷弼亦言  
如楨十不堪願急調李懷信代將○廷弼奏曰臣至

各邊相度賊之出路有四東南爲穀陽南爲清河西  
爲撫順北爲柴河三岔兒間俱當設重兵而鎮江南  
障四端東顧朝鮮亦不可少者此險要之大畧也四  
路首尾相護每路設兵三萬裨將十五六員分竒正  
以當一面鎮江設兵二萬裨將七八員半劉義州半  
劉鎮江夾鴨綠江而守此聯絡之大畧也清河撫順  
三岔兒山多漫坡可騎步並進當用西北兵以西北  
大將統之寬叢林箐險阻可專用川土兵以西南大  
將統之鎮江水路之衝當兼用南北兵將此兵將之  
各也各路領兵到邊畫地而守小警自爲堵禦大

敵互相應援挑其精悍者時出以撓之此坐困而轉  
感之大畧也善行師者行必結陣止必立營貯放糧  
草兼作退步再設兵二萬駐遼陽以壯中堅海州設  
兵一萬以備後勁金復設兵一萬以杜南侵此征行  
居守之大畧也○奴兒哈赤數萬騎攻北關金台失  
自焚歿白羊骨出降被戮○以故南關喬指揮王世  
忠爲遊擊風示四夷○擢贊善徐光啓以少詹事兼  
御史專練京兵○總督汪可受回籍○巡撫周永春  
請賂抄化虎愍等及鼓舞朝鮮又疏請帑金二百萬  
釋罪將郭有光劉孔胤麻承恩各納馬贖罪往援遼

九月戶部李汝華請發內帑○經畧熊廷弼言自北關陷後人心愈潰瀋陽空城守亦無益不如退守遼陽厚集兵力人衆膽壯可保萬全○徐光啓奏兵事百不相應共博選天下奇才教練一二年決不可用董其昌云宋岳飛之兵能以寡擊衆者背鬼爲之先驅也必先得數人使其以類相羅致河朔少年荆楚奇俠豈悉無人哉今之募兵人以二十金爲率又有扣減而弓刀衣甲皆在其中惟卑田游手無復生活定計于逃方始應募雖得百萬何益光啓此疏蓋實歷語也

遼左用兵以來當事者以徵調三省都司爲長策戶部主事楊嗣昌疏言募兵調兵迺兵之害并言各處土兵俱爲遼出此苗仲得志之秋橫肆攻圍之日也又言水藺之役黔蜀相爭以莫解之寃其行間之役勢必有變明年川貴之亂一一如嗣昌所言

十月庚戌朔房山民陳槐于午門前聲寃言東宮才人王氏乃其次女向被王昇冒認未明大學士從哲請辯真僞不報○烏撒賊首戈勾連鎮雄水西兵

萬五千越境至樂農殺安效良菩薩遂薄霑益州城上舍安遠領家丁防護賊分七路入官兵潰遠及軍



官方策僅以身免。○大同遊擊焦垣領兵八百援遼。至懷安。兵夜變。垣縋城遁。衆兵介馬控絃。大索守備張承憲。單騎行亂兵中。諭之。譁始定。經畧檄總兵柴國柱屯虎皮堡。以糧置撤回就食。○遼左是役調兵十八萬。歲增餉二百二十四萬。陸運車三萬七千輛。用牛七萬四千頭。○奴酋遣其婿好里於斗問和于朝鮮。○唐王捐祿三千五百兩。韓王一千兩。華陽王三千兩。崇王二千兩。荆王二千兩。周府各郡主三千。楚王三千兩。各助餉。

十一月。奴兒哈赤擁衆入龍潭。結連暖炒虎兔諸酋。

○鎮江營告急○李汝華署吏部黃克纘署工部○  
御史彭鯤化言救遼之策有三言一日速充國之疏  
七日報可事動經年人患其遲一日實宣和之詔掛  
之墻壁而人不覩以其文也一日斷宋雖議多功少  
其君亦時出獨斷不報○固原人李文謀亂自稱彌  
天王天真混元年

十二月漕運都御史王紀奏淮船搜括已盡蓋沿海  
大戶每造一舟費可數百而官府額價不及百金輒  
稱顧募又非平價人難樂從耳○贛畫劉國縉所募  
新兵一萬七千四百餘名分發鎮江清河防守一時

逝散殆盡

庚申四十八年正月庚辰朔釋御史劉光復爲民從獲以吏禮部都察院署印官及順天大同巡撫請不報○奴酋與抄化等盟○朝鮮王李琿以奴酋索和來告并報欲犯寬奠鎮江情因○工部奏廠庫積弊相沿立法稽查貴密必司官久任以專責成○御史孫之益申理淮揚道臣袁世振之罪時鹽法久滯大約撤鹽之時皆以營求故富有力者得以驟撤而貧者至堆積累世不得一撤以故貧者益困世振立新舊開撤之法貧商皆得賈利人人頌德焉然世振不能

無貪一時中考功法鑄秩去論者惜之謂之益疏爲公論也○熊廷弼奏言以遼守遼之說屢試不驗矣貴精之說牢固不破遼陽瀋陽撫順清河靉陽寬奠鎮江皆當賊來路不置兵無以阻其闖入不多置兵無以當其聚攻而主貴精之說必屯聚一處其去諸處遠者四百里近亦百里如何能濟

二月兵部疏奏援遼兵薊鎮一千六百保定六百寧夏一千祁魯二家各一千起陞廢將焦垣韓完卜達奇策李愈茂魯應熊各招家丁五百刻期出關○御史李徵儀給事中張廷登皆以求去不得出城候

卷十一  
四十一  
旨○癸丑日生交暈如連環白虹彌天○百官同具  
公疏候思善門叩請批發章奏不允

三月廷弼奏言兵部所遣發者紙冊上有兵到地方  
未嘗有兵○崇王由櫝請婚卽爲庶弟由材請封禮  
部言由櫝稱庶第四子由材亦稱庶第四子崇世子  
生前無弱息而臨歿乃有玉遺腹世子歿在三十年  
閏二月廿二日由材以是年十二月廿二日生豈世  
子彌留之日正其胎息之日乎○廷弼以糧草罄竭  
疏請催發接濟○壬辰京師大風霾○薊遼總督文  
球言滿日阿暈前雖助逆今已悔罪請復其舊賞○

南戶部主事牛維曜言奴酋之必敗者地瘠人貧惟  
貂參是仰絕貂參之市使可坐困○遼陽火藥局被  
焚○兵科薛鳳翔劾贖盡劉國縉招兵萬餘全伍脫  
逃道臣闖鳴泰馬匹草料累月不給請治其罪

四月加石姓司女將秦氏正三品服○癸丑 皇后

王氏崩上謚曰孝端皇后○戊午召見方從哲于弘

德殿御榻東向 上側身臥 上云朕自去年三月

以來頭目眩暈肚腹不調至今不時瀉痢神思恍惚

又昂首向從哲云試看朕容且出手腕令看從哲奏

慰畢因奏請黜閣臣 上云遼東事只是文武不和

萬曆注畧

以致如此。閣臣已批矣。查出卽發。從哲叩首而出。○  
奴酋發僞榜招降。詭侮無狀。○巡撫周永春虛報奴  
酋糾伯要入犯。及收紅夷爲用。○永順土司彭光錦  
初願以萬兵援遼。已而稱病不自行。使將將兵三千  
赴遼。○戶科官震疏言舊相張居正以申韓之學  
志當強之功。一時寵者在職。朝無倖位。久而論定。懇  
乞招雪。○練兵少詹事徐光啓奏東事儼急。日開練  
兵萬分掣肘。

董其昌云。李信用兵二十萬。視王剪六十萬。費孰  
爲省。何益于勝敗之數。光啓初啓練兵費二百萬。

樞臣計臣相顧愕胎營緒未畢一簣中止至于招募四出坐糜千萬無一勝兵而後覈其乾沒不亦晚乎夫以屑越飽虛恢之腹而以寒陋掣任事之肘可嘆也

文選郎陸卿榮奏僞文敗露國法難容蓋僞文僞印之弊皆因開納太濫更有徑輸邊庭不從筦庫取左券者○禮部請申禁左道○熊廷弼以兵力稍集請守瀋陽

五月御史張銓奏諫云國家之亂皆起于民窮財盡屢畝加賦七釐未已而九釐窮民何以堪此大內積



余如瓦礫而發帑之請。叫關不報。加派之議。朝奏夕可。豈財爲皇上之財。而民非皇上之民耶。○邊臣傳言朝鮮私通建酋者。朝鮮王遣陪臣奏辯。言不能焚書斬使。亦兵家詭計。心實自明。詔慰諭之。○貴州巡撫張鶴鳴奏永寧土官奢崇明侵占撒所屯地。勒令一一退吐。如不遵奉。當改土爲流官。蓋鶴鳴貪婪。借名以激其必反耳。○御史倪應眷言。皇上深居稱朕。輔臣從哲忽蒙召見。臣意輔臣瞻懷時事。必當開導者。無所不至。而寥寥數語。俄出俄入。以致聖心愈厭。豈不虛此良邁哉。

六月熊廷弼以奴酋招降逆書上聞具奏逆奴以撥  
錢見辱此正主辱臣死之時願內閣兵部官同心發  
憤毋爲逆奴所侮○奴酋以萬騎從撫順關入賀世  
貞聖高挂鐵部之○改工部尙書周嘉謨吏部

七月熊廷弼以軍士勞苦不堪痛哭之狀乞恩賚

上命戶工二部發銀三十萬兩犒賞遼軍○廷弼又

奏賚畫劉國縉屢欲云云屢自寢其議報費之數既

與餉司不同閱臣復命之數又與國縉揭不同多寡

重復乞行查算改正兵科薛鳳翔劾奏國縉兵逃失

計不見引罪之章輒稱單騎之赴作非客非主之宜

不受經臣節制當令速回聽勘從之○諭內閣皇太子才人王氏薨逝已久可附葬郭妃墳側○保靖土官彭象乾兵至涿州一夕逃散○兵部黃嘉善奏報援遼兵數自四十七年十一月至四十八年七月陸續出關通十三萬二千九百四十九名將次出關一萬六千一百十八名調募未報發者四萬八千○遼東巡撫周永春告病不允○經畧熊廷弼以病告休○雲南巡撫沈懋炳請討安疆臣○西申上疾大漸召英國公張惟賢大學士方從哲尚書周嘉謨等法華黃嘉善張問達黃克績侍郎孫如游入見

于弘德殿諸臣候安畢嘉謨以用人請上俞允之  
上問遼事云何嘉善曰臣當戮力料理即日蕩平  
無煩聖慮上頷之諸臣叩首而出即日帝處  
十月上尊謚曰範天合道哲肅敦簡光文章武安仁  
止孝顯皇帝